

畿輔通志卷一百三十

署八十五 經政三十七 公署 總部 順天 保定 承德 永平 河間 天津

正定 順德 廣平 大名 宣化 張家口廳 獨石 口廳 多倫諾爾廳 遵化 易 冀 趙 深 定

總部

直隸總督署在保定府城鼓樓街迤西舊在城內西北隅雍

正八年奉

旨遣官相度於府治西參將舊署改建今院九年二月二十日署總

督唐執玉恭請

御書恪恭首牧四字匾額懸奉大堂 雍正志

總督行署在天津府城外東北隅本長蘆鹽運署咸豐十年設三口通商大臣卽以爲署同治間缺裁改爲總督行署 天津

縣志

順天府尹署在京師北城迎春坊明洪武年建雍正志

府丞署在府尹署東南同上

總督倉場署一在京師詳京師卷一在通州新城南門內迤東採訪

冊

提督學政署在京師安定門大街迤東黃土坡其各府行署

一在京師一在通州保定府承德府永平府河間府天津府

正定府順德府廣平府大名府宣化府遵化州冀州趙州深

州定州共十七所同上

布政使司署在保定府城內西街舊爲直隸守道雍正二年

詔改布政司署仍舊雍正志 經歷解恒裕庫大使解久圮今僦民居

按察使司署在保定府總督部院南迤西舊爲直隸巡道雍

正二年

詔改按察司署仍舊治同上 經歷廨在司署東司獄廨在司署東北

分巡熱河兵備道署在承德府學西乾隆五年熱河道陶正

中建承德府志

分巡錦州山海關兵備道署在臨榆縣城東門內本舊鈔關

署康熙三十二年建臨榆縣志

分巡通永道署在通州城內天恩胡同迤東通州志

分巡霸昌道署在昌平州城內本舊察院明崇禎間改為道

署雍正志

分巡天津河間兵備道署在天津府城西門內舊為同知署

雍正十一年改建乾隆三年天津道張坦熊修葺天津縣志

天津鈔關公署在天津城中戶部街上同上

分巡天津津海關道署在天津府城東門外同上

分巡清河道署在保定府城內西縣街採訪冊

分巡大順廣兵備道署在大名府城南門內裁缺後久廢雍

正十一年復置大名府志

分守口北兵備道署在宣化府城內四牌樓西米市街康熙

十二年口北道徐元珙移建宣化府志

永定河務道署在固安縣南關外迤東舊在北岸分司署雍

正四年置乾隆二十八九年雨水三面圍浸三十年移建今

地固安縣志

長蘆鹽運使司署在天津府城內鐘鼓樓東大街康熙二十

七年運司任機建天津縣志有經歷大使知事等廨

鎮守熱河都統署在承德府治東南本舊總管署雍正二年

建嘉慶十五年改爲都統署承德府志

鎮守察哈爾都統署在張家口上堡東南乾隆二十七年建

宣化府志

副都統署同前

熱河圍場正總管署在承德府治南營子承德府志

熱河圍場副總管署在承德府唐三營同上

山海關副都統署在臨榆縣城內西街臨榆縣志

古北口提督署在密雲縣古北口康熙三十二年置雍正志

泰甯鎮總兵署在易州採訪冊

馬蘭鎮總兵署在馬蘭峪本舊副將署後改建雍正志

通永鎮總兵署在蘆臺採訪冊

天津鎮總兵署在天津府城內鐘鼓樓西大街本舊衛署後

改建天津縣志

正定鎮總兵署在正定府城內汪家角正定縣志

大名鎮總兵署在大名府城內大名府志

宣化鎮總兵署在宣化府城內四牌樓東街康熙三十四年

總兵許盛重修宣化府志

督標中軍副將署在保定府城臬司署東採訪冊

順天府

大興縣倚郭

宛平縣倚郭

府尹署詳總部

府丞署詳總部

治中署

通判署

經歷司

照磨所

司獄司 以上俱在府治內 雍正志

東路捕盜同知署在通州

南路捕盜同知署在黃村 司獄司在署西

西路捕盜同知署在蘆溝橋 司獄司在署西

北路捕盜同知署在沙河 司獄司在署東

大興縣署在北城教忠坊明洪武年建 雍正志

縣丞廨在縣南禮賢莊 同上

巡檢廨一在縣南黃村一在采育 縣冊

典史廨在縣治內 同上

慶豐閘閘官廨

宛平縣署在北安門西積慶坊明洪武年建雍正志

縣丞廨在縣西門頭溝縣志

管河縣丞廨一在永定河北下汎一在南岸頭工下汎同上

巡檢廨一在蘆溝橋一在齊家莊一在龐各莊同上

閘官廨在柳村同上

典史廨在縣治內雍正志

謹案府設教授訓導州設學正訓導縣設教諭訓導各署

宅詳見學校府州縣營汛各廨詳見兵制

良鄉縣

縣署在縣城內迤西舊作正北誤明洪武年建正統中知縣王弼

重建

本朝康熙十年知縣李慶朋道光間知縣包駭彭世昌各修縣志

縣丞廨在縣治前舊在縣堂後康熙七年縣丞陳應吉捐修

咸豐元年縣丞白維移建今地上

同

管河縣丞廨一在河隄一在趙村

縣志

典史廨在縣治儀門東道光十四年典史張策重修

縣冊

皇華館在縣城東門外光緒四年知縣楊謙柄創建

同上畢道遠

周家楣奏疏畧順天所屬良鄉縣爲出京第一驛站凡奉

欽命查辦事件及出膺疆寄典試督學諸臣首經其

地向無行臺使館每就客店住宿往往湫隘不堪竊思中庸九經之目且及送往迎來周禮修館舍之職風詩以授餐適館爲有好賢之風若以口銜

天憲身任封圻手掌文衡

之重臣儒臣聽其逆旅囂塵難安食寢在奉

命者固深

詩地方不求安逸而守土之官於心能無自歉臣家相於光

緒四年履任後與署良鄉縣知縣楊謙柄商覓地址建置皇

華館以備居宿據擇地繪圖鳩工購料於良鄉縣東關計地

二畝五分建北正房五間東西廂房各三間門樓一座官廳

二間大門一座兩旁門房各二間車門一間中廁二間周圍

牆垣及門前照壁東西轅門需銀一千一百兩有奇當由臣

捐銀三百兩餘擬籌欸撥濟旋據楊謙柄聲稱自願捐廉與辦並不敢仰邀議敘於是年四月告成由臣等飭令歷任經

該縣隨時修葺順天府現輯志書一併列入以期有基不壞
常此遵循因該縣急工集事堅辭獎敘出於至誠未便沒其
惻忱理合附片陳明謹奏
奉 旨依議欽此

固安縣

永定河道署

詳總
部

南岸同知署在縣城東祖家場舊僦民舍乾隆三十年始建

署

縣志

北岸同知署在縣城北張化村舊在永清縣半截河東僦居
民舍乾隆三十年移建今地

河道防汛公署在縣城北關外十里鋪

南岸同知防汛署一在東陽村一在東玉鋪村

俱同上

石景山同知署

北運河同知署

三角淀通判署

北運河通判署在楊村

縣志

縣署在縣城內西北隅明洪武二年建天順四年知縣李端重修成化十年知縣朱喜勸捐修葺規制大備

本朝知縣王遵李本宸武廷适徐天德張安世各有修葺知縣

鄭善述增建製錦堂

孫漢孫記畧蕉溪先生治固安之八年於署之西北隅構室三楹左居蓮幕之

賓視文書吏事右延塾師課文孫誦讀其中落成之日命余顏其室而爲之記余惟先生道德深厚充實光輝具經緯之才常爛然若雲漢之昭回日星之炳燦區區百里豈足當一試者而先生朝考夕省日不暇給鑒操刀使割之譏懼棟壓榱崩之患先生其殆如黃裳之飾下體有中色而居順德者乎且固邑爲畿南重地不善爲政如治絲而棼之矣在易之屯曰雲雷屯屯君子以經綸則今日繡錯之區正所以彰先生機杼之蘊也乃先生於國政之暇又理家學嗣君輩趨庭侍側輒娓娓經史不置口固皆績學有成待時而用文孫方五歲耳聰慧非凡易蒙之五六日童蒙元吉而以蒙次屯聖人之意殆欲合國家而一之於學先生有見於此築斯室也左顧右盼口商政事耳聽書聲其樂可不謂大乎余故取子產

之論爲邑有製錦之譬而又以錦與文孫之名適有合者故以此名堂而推論其說如此道光間知縣朱瑞金咸豐間知縣陳崇砥各重修

管河縣丞廨

南岸管河縣丞廨在縣城北十里鋪西

典史廨在縣治內西北隅

以上俱縣志

永清縣

縣署在縣城內西街明洪武七年知縣盛本初建十二年知

縣劉子初萬曆三十八年知縣王嘉績四十二年知縣楊夢

熊各重修

本朝乾隆間知縣張士英劉懋先後修葺

縣志

南岸五工管河縣丞廨

北岸五工管河縣丞廨

典史廨在縣治內雍正志

東安縣

縣署在縣城內正北明洪武三年主簿華得芳移建永樂二年知縣李冀重修

本朝雍正元年知縣張汝蘊乾隆六年知縣張鴻疇十二年知

縣李光昭各修

縣志

管河主簿廨一在縣治內一在三角淀

北二工汎主簿廨一在惠家鋪

典史廨在縣治內

俱同上

香河縣

縣署在縣城內西街明洪武初建萬厯六年知縣馮叔奇七年知縣王道定相繼修

管河主簿廨在縣治堂西

典史廨在縣治堂東

以上俱縣志

通州

倉場總督署

詳總部

通永道署

詳總部

州署在舊城北門內迤西明洪武三年建

雍正志

本朝康熙間知縣程俊王光謨各有增修乾隆三十年知州曹

元瑞借廉重修

州志

理事通判署在舊城內西街

漕運通判署在州城東南張家灣

管河州同署僦居民舍舊在州治東久圯

管河州判廨一僦居民舍舊在州治西久圯一在灤縣鎮城

內東北隅卽灤縣舊治

掣斛廳一在土壩爲州同督漕公署一在石壩舊名儲糧館
爲州判督漕公署

通濟庫大使廨

吏目廨在州治大門內迤西

通流河閘官廨

驛丞廨在張家灣

以上俱
州志

三河縣

縣署在縣城內西北隅明洪武初建正統間重修萬厯十三
年知縣王自謹嘉靖四十五年知縣崔璵先後修葺

本朝康熙十八年知縣任塾重建乾隆五年知縣彭萼采重修

彭萼采記畧乾隆庚申春三月夏邑彭萼采來蒞三河署多
茅簷署一小櫺傾欲圯命工整之於塵土中見舊額字多磨

滅灌以水見其上。有宋文康公訓屬格言。宋家宰公重新縣額。檄飭家大中丞兼山先生所作格言。記芻采拜而讀之。其宋文康公之訓屬曰。報朝廷某事。榮父母某事。寬百姓幾分。留子孫幾分。其家宰檄飭曰。此先相國文康公於國初開府畿東時訓屬格言也。迄今四十餘年。懸額猶存。字多漫漶。榮奉簡命。復觀察茲土。言念先澤。永淵益懍。爰行重新。

彰諸廳事。蓋自勉以期共勉云。家大中丞記曰。丙寅春三月。通永觀察宋先生以重修懸額勸飭寅箴。檄畿東所屬州邑。頒以式大書二十字。細書八十四字。檄至洵如式。懸邑屬洵宰彭鵬升堂入座。日所覲面退而思曰。報者如答榮者。無忝寬者。弗亟留者。有餘而況所邀者。朝廷之爵祿也。所遺者。父母之體膚也。所供者。百姓之筋血也。所培者。子孫之元氣也。非報斯負。非榮斯辱。非寬斯竭。非留斯覆。語曰。一命之士。施及三黨。可不思報。孝經曰。立身行己。揚名顯親。可不思榮。孟子曰。用其一。緩其二。可不思寬。易曰。積善之家。必有餘慶。可不思留。吏不思愛。百姓因而欺朝廷。玷父母。思子孫吏惟思長子孫。遂致剝百姓。負朝廷。辱父母。成我者君也。生我者親也。百姓者我所受於君也。子孫者我所傳於親也。思報思榮。思寬思留。作者文康之詞也。述者觀察之心也。遵而懸之者。畿東屬吏也。筆而記之者。洵宰彭鵬也。芻采讀罷。急新之縣。諸廳敬識於後。曰。丙寅迄今。庚申五十有五年矣。前正典型。昭垂宇宙。字裏行間。心迹雙清。後之官茲土者。尚其升堂入座。常目存此二十字。十一年知縣熊釋祖四十八年知縣李炳各修。炳

記畧余左遷通州判官之五年歲在癸卯仲春攝三河篆甫蒞任初未詳三河之所以名而縣署湫隘傾圯釐然在目矣余謂署曰公署門曰公門堂曰公堂蓋辦公之地也傾圯不治如辦公何五月奉文陞任茲土越明年甲辰倡謀所以修之書役亦樂輸有差計得白金若干兩舊制照牆距大門若干尺移置道南去新建大門若干尺儀門舊制一間今移舊大門三間易之去大門若干尺大堂若干尺東西兩角門如制大堂兩廊各設科房六間比舊宏堅如式戒石碑久廢補立如初大門內東爲土地祠如祀典西設班房一區各班環列焉門西遙接縣獄再西爲瞭馬廠築垣屏留洵驛驛路復舊制也東西設坊二緯楔臨洵舊治左輔嚴疆八字經始於某年某月落成於某月某日按新唐書武德二年析潞縣置臨洵開元四年更置三河郡邑釋名三河以地近七渡鮑即洵河三水名城邑考三河舊城在今縣東三里洵河南建於石走廢於後魏今之三河城即趙德鈞所置水經注洵河源出北山東南經平谷縣故城西而東注於洵河考三河志洵水即錯河一名七渡河洵河即錯河之支河平時乾涸霖雨成河鮑即河自順義入境至時管營始有河形每遇霖雨積水成河夫源遠流長者河也七渡是也忽盈忽涸者行潦也洵與鮑即也是也行潦不可以爲河洵與鮑即豈得與七渡並稱三河也且置邑命名往往本錯山川義取切實如五臺以臺名三河以水名確有其數而因以得名之類是也以河名矣亦奚取於無源之行潦而附會以名三河也及考三河輿圖七渡河自青陽屯入境南流由舊城西北繞城而東而南